

故宮
珍本
集刊

二樓小志·瓊島桃源

等四種



故宮博物院編

海南出版社

故宮珍本叢刊第 271 冊 史部地理類 古迹

故宮博物院編

二樓小志

二樓紀略

昌瑞統志

龍井見聞錄

瓊島桃源

海南出版社

新學堂
PDG

圖書在版編目(CIP)數據

故宮珍本叢刊.第270~271冊,地理·古迹,金陵選勝、鄧尉聖恩寺志、靈隱寺志、二樓小志、二樓紀略、昌瑞統志、龍井見聞錄、瓊島桃源/故宮博物院編.一影印本.一海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06538 號

故宮珍本叢刊第 271 冊

史部·地理·古迹

二樓小志 二樓紀略 昌瑞統志 龍井見聞錄 瓊島桃源

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:34 印數:1-400 冊

ISBN 7-80645-986-3/Z·67

定價:8400 元(河渠山水古迹遊記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

二樓小志 目錄

南樓卷上

圖

志傳

官師
古蹟

學校
寺觀

祠祀

記

書院始末

詩

二樓小志

南樓卷上目錄

南樓圖




二樓小志

南樓圖一



二樓小志

南樓圖二



百尺巋然龍峰之麓右仰
宮廬左依講幄高明日躋
踐履毋忽敢告同心匪供
遊囑

沈廷璐題

二樓小志

南樓卷上

程元愈偕柳原輯

宛陵後學汪越師退

補輯

沈廷璐元珮

志傳

官師

明

朱大器字自克南城人進士嘉靖三十四年任寧

二樓小志

南樓卷上

國府知府政平易舉廢墜建文昌臺罷學異方爲

形家所善

寧國府志職官

朱大器嘉靖甲辰進士由刑

部郎三十四年任加意學校建文昌臺於府學之

異方復因閣傍地作堂數楹羣弟子親爲課藝顏

其堂曰辯志人士得風秀焉自奉甚廉燕食但鱸

菟數枚而已遷河南提學副使終刑部侍郎

湯司成宣

城縣志左纂秩官

陳公相字子顯漳浦人以萬曆癸未進士知宣城
坦易剛直吏民無所售其奸歲仍旱勞拯救多方

甚至改折漕粟二萬石以去就爭當事乃如議建待學書院置養士田文治大興去後思者尸祝之

府志名宦

張嘉言湘潭人進士萬曆三十年任寧國司理嘗

攝毬力遏大瑞清稅事著風裁祀吳仕期鄉賢萬曆

時張江陵奪情仕期有擬上執政書江陵見而卿之後誣以偽疏事夾獄中尤關名教

云曾創建天柱閣置田課士今惜其廢府志職官

徐大儀字大生貴溪人進士崇禎七年任寧國知

府無苛政善形家言修復正學書院及文昌佑聖

二樓小志

南樓卷上

二

兩閣遷兩淮鹽運使猶惠及闔毬云府志職官

陳景華宏興人府學訓導澹泊自甘講學日憂憂

不倦時知府徐大儀多所修建大率由景華發之

也府志職官

董汝孝字翼吾武進人貢士萬曆中為宣城訓導

端醇冲穆月課士天柱閣給筆劄授餐且相戒率

循禮讓不能贅者却其餽御史楊公校士於宣拔

其所課者三十人謂有造士功大被嘉賞遷恩縣

知縣府志名宦

按官師學校俱載前人重舊制也二樓公展修具詳志中將待踵事增華者遷爵里姓氏推首庸焉茲不遽列越識

學校

毬學東南隅為文昌閣有臺嘉靖丁巳知府朱大

器以學異方庠削不稱故建制頗雄傑聿為偉觀

南吏部侍郎尹臺記崇禎巳亥知府徐大儀修

國朝順治壬辰署府事同知白寶珩知縣王同春

重修刑部主事施閏章記臺左建辯志堂號舍十

楹推官江一川記又南為龍首亭亦為蔭學宮建

二樓小志

南樓卷上

三

梅守德記萬曆乙亥知縣姜奇方增舍五楹學西

為射圃萬曆甲戌知府陳俊重建教授石守一記

府志元愈按施記以廣筆不存志江一川石守一二記無攷

待學書院在文昌臺右萬曆巳丑知府廖恒吉知

縣陳公相建戊戌知縣尹三聘重修改為正學書

院崇禎乙亥知府徐大儀府學訓陳景華太學生

沈壽昌募貲重修內祀王文成陽明先生從祀者

十四人府志元愈按書院在文昌臺左今志云臺右非是

祠祀

王公祠在正學書院祀明新建伯王文成守仁以祭酒鄒東廓守益少保尙書歐陽南野德郎中錢緒山德洪郎中王龍溪畿督學御史耿天臺定向寧國府知府劉初泉起宗羅近溪汝芳宣城縣知縣吳疎山悌東平州知州貢受軒安國項城縣知縣戚竹坡袁太常少卿周訥溪怡叅議沈古林寵叅政梅宛溪守德貢士吳句溪與等配享歲用春秋二仲上戊日舉祀祠初在志學書院景德寺中置田供祭後祠田並廢故移祀於此罷教授王之志

二樓小志

南樓卷上

四

書院舊祀文成王公而祭酒鄒東廓先生以下凡十有四人皆配享康熙癸巳知府事修公賦偉始增奉朱文公與文成合祀焉其配享者如故祭期改於春秋二仲次丁日知府主之

按書院崇祀先儒示學者師法必使其出處本末與夫所以爲學之指歸次第乃能觀感而興起焉舊無志故不詳茲叅考各傳梗槩如左恨采摭猶未盡要無敢妄置一辭也凡係國史列傳及郡邑志例俱稱名今從之先高祖古林公名以非一家言故臨文亦無諱焉廷璐識

徽國朱文公

朱熹字元晦一字仲晦徽州婺源人父松字喬年中進士第歷司勳吏部郎秦檜決策議和松與同列上章極言不可檜怒風御史論松懷異自賢出知饒州未上卒熹幼穎悟父指天示之曰天也熹問曰天之上何物松異之就傳授以孝經一閱題其上曰不若是非人也年十八貢於鄉中紹興十八年進士第主泉州同安簿選邑秀民充子弟員日與講說聖賢修己治人之道罷歸請祠監潭州南嶽廟孝宗卽位詔求直言熹上封事言聖躬雖

二樓小志

南樓卷上

五

未有過失而帝王之學不可以不熟講朝政雖未有闕遺而修攘之計不可以不早定利害休戚雖不偏舉而本源之地不可以不加意隆興元年復召入對其一言大學之道在乎格物以致其知其二言君父之讐不與共戴天等語時相方倡和議除熹武學博士待次乾道三年促就職既至而洪适爲相復主和議不合歸劉珙薦爲樞密院編修官屢召不起上曰安貧樂道廉退可嘉特改合入官主管台州崇道觀熹以求退得進於義未安再

辭除秘書郎力辭乃從其請主管武夷山冲佑觀除知南康軍至罷值歲不雨講求荒政多所全活引進士子與之講論訪白鹿洞書院遺址奏復其舊爲學規俾守之明年大早上疏言天下之本在人君正心術以立紀綱今宰相臺省師傅賓友諫諍之臣皆失其職而陛下所與親密謀議者不過一二近習之臣上以蠱惑陛下之心志下則招集天下士大夫之嗜利無恥者盜權竊柄使陛下之號令黜陟不復出於朝廷而出於一二人之門名

二樓小志

南樓卷上

六

爲陛下獨斷而實此一二人者陰執其柄臣恐莫大之禍必至之憂近在朝夕而陛下獨未之知上讀之大怒曰是以我爲人也熹以疾請祠不報陳俊卿薦之以趙雄言除熹提舉江西常平茶鹽公事旋錄救荒之勞除直閣浙東大饑改提舉浙東茶鹽公事卽單車就道入對首陳災異之由與修德任人之說上爲動容所奏凡七事其一二手書以防宣洩熹始拜命卽移書他罷募米商蠲其征及至則客州之米已輻輳熹日鈎訪民隱按行部

內單車屏徒從所至人不及知罷縣官吏憚其風采未至自引去所部肅然凡有不便於民者悉釐而革之於救荒之餘隨事處畫必爲經久之計上謂王淮曰朱熹政事却有可觀知台州唐仲友與王淮同里爲姻家已遷江西提刑未行熹行部至台訟仲友者紛然按得其實前後六上章論之淮不得已奪仲友江西新命以授熹辭不拜遂歸且乞奉祠主管台州崇道觀旣而連奉雲臺鴻慶之祠者五年十四年除熹提點江西刑獄公事辭不

二樓小志

南樓卷上

七

許遂行十五年入奏事有要之於路以爲正心誠意之論上所厭聞勿以爲言熹曰吾平生所學在此四字豈可隱默以欺吾君及奏上曰久不見卿浙東之事朕自知之今當處卿清要不復以州縣爲煩也翼日除兵部郎官以足病丐祠本部侍郎林栗劾熹所至輒攜門生數十人妄希孔孟歷聘之風邀索高價不肖供職其僞不可掩乃令依舊職江西提刑詔熹昨入對所論皆新任職事朕亦諒其誠復從所請可速之任始熹嘗以爲口陳之

說有所未盡乞具封事以聞至是投匭進封事凡數千言疏入夜漏下七刻上已就寢亟起秉燭讀之終篇明日除主管太乙宮兼崇政殿說書力辭除秘閣修撰光宗卽位仍舊直寶文閣降詔獎諭居數月除江東轉運使辭改知漳州奏除屬縣無名之賦七百萬減經總制錢四百萬以習俗未知禮采古喪塋嫁娶之儀揭以示之命父老解說以教子弟土俗崇信釋氏男女聚僧廬爲傳經會悉禁止之常病經界不行之害會朝議欲行泉州漳

二樓小志

南樓卷上

八

三州經界熹乃訪事宜擇人物及方量之法上之而土居豪右浸漁貧弱者以爲不便阻之宰相畱正亦泉人也其里黨亦多以爲不可行詔且需後有旨先行漳州經界明年以子喪請祠除秘閣修撰主管南京鴻慶宮再辭除荆湖南路轉運使又除知靜江府未幾差知潭州黃裳爲嘉王府翊善自以學不及熹乞召爲宮僚王府直講辭有旨長沙巨屏得賢爲重遂拜命會洞僚擾屬詔熹遣人諭以禍福皆降之所至興學校明教化四方學者

畢至寧宗卽位有旨赴行在熹行奉詔除煥章閣待制侍講辭不許入對復面辭待制侍講上手劄卿經術淵源正資勸講次對之職勿復勞辭以副朕崇儒重道之意遂拜命會趙彥逾按視孝宗山陵以爲土肉淺薄下有水石孫逢吉覆按乞別求吉兆有旨集議臺史憚之議中輟熹竟上議狀言壽皇聖德衣冠之藏當博訪名山不宜偏信臺史委之水泉沙礫之中不報時論者以爲上未還大內則名體不正而疑議生金使且來或有窺伺有

二樓小志

南樓卷上

九

旨修葺舊東宮爲屋至數百間欲徙居之熹奏疏言此必左右近習倡爲此說以誤陛下而欲因以遂其姦心臣恐不惟上帝震怒災異數出正當恐懼修省之際不當興此大役以拂譴告警動之意亦恐畿甸饑餓流離貼於廼亾之際或能怨望忿切以生他變不惟無以感格太上皇帝之心以致未有進見之期亦恐壽皇在殯因山未卜几筵之奉不容稍遲太皇太后皇太后皆以尊老之年然在憂苦之中晨昏之養尤不可闕而四方之人

但見陛下亟欲大治宮室速得成就一旦翩然委而去之以就安便六軍萬民之心將有扼腕不平者矣凡千餘言疏入不報然上亦未有怒熹意也每以所講編次成帙以進上亦開懷容納又奏勉上進德及喪服祧祔之制甚悉始寧宗之立韓侂胄自謂有定策功居中用事熹憂其害政乃上疏斥言左右竊柄之失在講幄復申言及御批閱卿耆艾恐難立講已除卿宮觀臺諫爭留不可熹行被命除寶文閣待制與州罷差遣尋除知江陵府

二樓小志

南樓卷上

十

辭詔依舊煥章閣待制提舉南京鴻慶宮慶元元年趙汝愚以誣逐而朝廷大權悉歸侂胄矣熹始以廟議自劾不許再以疾乞休致詔辭職謝事非朕優賢之意依舊秘閣修撰二年沈繼祖爲監察御史誣熹十罪詔落職罷祠門人蔡元定亦送道州編管四年熹以年近七十乞致仕五年依所請明年卒年七十一疾且革手書屬其子在及門人牽拳以勉學及修正遺書爲言翼日正坐整衣冠就枕而逝熹登第五十年仕於外者僅九考立朝

纔四十日家故貧依父友劉子羽寓建之崇安徙建之考亭簞瓢陋巷屢空晏如也諸生之自遠而至者豆飯藜羹卒與之共往往稱貸於人以濟用而非其道義則一介不取也自熹去國侂胄之勢益張而僞學之禁益嚴或勸熹謝遣生徒者笑而不答旣沒將塋言者謂四方僞徒期會送僞師之塋會聚之間非妄談時人短長則繆議時政得失望令守臣約束從之嘉泰初學禁稍弛二年詔熹以致仕除華文閣待制與致仕恩澤後侂胄外詔

二樓小志

南樓卷上

十一

賜熹遺表恩澤諡曰文尋贈中大夫特贈寶文閣直學士理宗寶慶二年贈太師追封信國公改徽國熹之學旣博求之經傳復徧交當世有識之士延平李侗老矣嘗學於羅從彥熹歸自同安不遠數百里徒步往從之其爲學大抵窮理以致其知反躬以踐其實而以居敬爲主嘗謂聖賢道統之傳散在方冊聖賢之旨不明而道統之傳始晦於是竭其精力以研窮聖賢之經訓所著書有易本義啓蒙著卦考誤詩集傳大學中庸章句論語孟

子集註太極圖通書西銘解楚辭集註韓文考異所編次有論孟集義孟子指要中庸輯畧孝經刊誤小學書通鑑綱目宋名臣言行錄家禮近思錄河南程氏遺書伊洛淵源錄皆行於世熹沒朝廷以其大學語孟中庸訓說立於學宮又有儀禮經傳通解甫脫稿亦在學宮平生爲文凡一百卷生徒問答凡八十卷別錄十卷淳祐元年正月上視學手詔以周張二程及熹從祀孔子廟黃幹曰道之正統待人而後傳自周以來任道之責者不過

二樓小志

南樓卷上

十二

數人而能使斯道章章較著者一二人而止耳由孔子而後曾子子思繼其微至孟子而始著由孟子而後周程張子繼其絕至熹而始著識者以爲知言熹子在紹定中爲吏部侍郎節錄宋史道學傳

新建王文成公

王守仁字伯安餘姚人父華及第第一以講讀待孝宗經筵受上知武宗朝用不附劉瑾傳旨致仕孝友剛直母岑夫人壽至百歲華事之終老不衰

守仁居母娠十有四月而生岑夫人夢天僊乘五色雲抱丈夫子授之既生祖天叙命之曰雲五歲而不能言有異僧過之曰是兒也名世之天叙爲改守仁而卽能誦讀矣八歲有志神僊之事十五從官京師出遊居庸慨焉壯圖十七就婚於江西遊鐵柱宮得蜀中道士與語悅之見婁諒談朱氏格物之旨乃已知砥學自勵既舉於鄉應試京師求朱氏遺書讀之再上京師值邊警講求兵法陣勢以劬學病從道士談養生之術登弘治十二年

二樓小志

南樓卷上

十三

進士觀政工部遣造威寧伯王鉞墳卽其家益得其平生用兵法還授刑部主事審錄江北還朝又復病告歸闕陽明洞爲書舍更講神僊之事已而悔之北上改授兵部武選司與庶吉士湛若水講聖賢之學正德元年南京科道官戴銑薄彥徽以論劉瑾忤旨逮繫守仁疏救亦下獄已廷杖五十謫貴州龍場驛丞瑾使人尾之守仁行至錢塘恐不免置衣履江岸畱詩其處若投江者因附商舟於舟山爲颶風飄至閩界宿野廟道士叩而告之

爲筮得明夷之卦守仁乃返赴龍場廟道士者鐵柱宮所見道士也龍場在南徽萬山中無所得書日坐石穴中默記舊讀隨手錄之意有所會輒爲訓釋期有七月五經之旨畧備龍場人則悅守仁相與伐木軒閣而居之學士稍稍來集居一年瑾誅擢廬陵知縣陞南京刑部主事調爲吏部郎陞南京太僕寺少卿而從遊益進陞南京鴻臚寺少卿十一年陞僉都御史巡撫南贛汀漳等處時江西之南贛福建之汀漳廣東之南韶潮惠湖廣之

二樓小志

南樓卷上

十四

郴桂境壤相接峻谷溪山嶺岫綴連峯賊窟穴其中都御史文森受命往治稱疾不行兵部尙書王瓊溪知守仁劾罷森薦守仁代之守仁至首平閩廣劇盜有旨改巡撫爲總督軍務聽便宜從軍法守仁率都指揮許清知府伍文定等攻橫水桶岡諸巢俘斬六千有奇因請建立崇義縣於橫水以屬贛而洴頭賊有上洴中洴下洴其酋長黃金巢等皆願投詣惟大賊首池仲容不肯池仲容者捉戮官吏荼毒三省二十餘年矣金巢至守仁厚撫

之籍其衆伍百從攻橫水橫水破仲容懼亦使其弟仲安領衆來其時方攻桶岡守仁亦籍仲安之衆使截桶岡召鄰賊民備問仲容狀皆言仲容兇狡異諸賊必不可撫今已僭號舉事有期桶岡破守仁使人陰購仲容時方歲盡守仁以賊平提兵還贛下令贛城中臘幾盡何不爲蜡樂因大饗兵衆散遣之亦使仲安以其衆歸仲容大喜而購者間語仲容王公待汝厚當往謝仲容來謝至贛見城中晏如市肆歡樂益喜守仁卽以是夜密令盧

二樓小志

南樓卷上

十五

珂馳還以其部衆攻仲容巢豐犒仲容縻之過數日爲正月癸卯度珂等已至巢椎牛置酒大爲春宴賜仲容衆綵縷銀花以次入領緩其時暑使其出皆不相及而次第行斬之益促諸縣兵與會分入諸巢而自提兵搗其大巢於下洴大破之仲容餘衆奔九連山九連地廣益險峻兵不得入守仁以所得賊衣衣兵混進因得據高擊賊賊走伏而殲焉搜捕月餘賊黨皆空老弱脇從號呼乞命乃皆籍而釋之凡搗三十八巢擒斬賊酋二十九中

僉三十八小僉二千有奇因請立和平縣以屬惠而郴桂諸處賊與江西諸峒聯絡復會兵三省夾剿之陞右副都御史廕子一人錦衣世襲千戶十四年寧王宸濠反守仁方奉命處置福建叛軍至豐城聞變以便宜與吉安知府伍文定檄諸兵攻之時寧王已出兵攻安慶守仁與文定等攻其眷屬於南昌寧王反兵而鬪遇之湖擒之詔旨褒勞命兼巡撫江西地方世宗卽位召還赴京且行宴賞會以甫有武宗大喪止陞南京兵部尙書叅贊

二樓小志

南樓卷上

十六

機務疏乞便道歸喪其冬封新建伯特進光祿大夫國柱兼南京兵部尙書如故三代并妻一體追封世襲并存問父華賜竿酒明年疏辭不允守仁故以才畧爲王瓊器任用能早膺闕寄屢立大功初寧王反王瓊曰憂有王伯安在可定也及是果然守仁之封上及祖父命至之日父華垂盡成禮而卒居喪三年從遊益衆議謗其學術者日亦益甚守仁獨守前說也六年廣西田州土目廬蘇王受構衆煽亂特起左都御史總督兩廣江西湖

廣軍務疏辭不允守仁至梧撫蘇受而征斷藤峽諸徭上業惟守仁奉命征田而顧撫之藤峽無命乃復征之及覽疏疑守仁誇詐倒置恩威姑賜獎諭餘賞悉格罷許守仁條畫善後以聞是時守仁已疾矣日冒暑輿疾出入諸塞相度地宜議移衛所設縣治而病益進遂上疏乞骸骨臥舟待命江廣界上行至南安而卒上聞怒守仁專擅不候命自歸疑其有詐下吏部以狀聞穆宗卽位詔大臣有應得卹典贈諡者科道奏議定奪於是言者皆

二樓小志

南樓卷上

十七

言守仁下吏禮二部會議守仁生前之論已定身後之典宜優制詔贈新建侯諡文成而科道官謂宜予世伯從之守仁初溺於任俠騎射神僊辭章而歸本於聖賢其始尙沿宋儒之緒貶謫之後沉思格物致知之語而講知行合一之學其意欲歸重躬行以掇末學口耳之弊若謂名物形蹟可以盡廢惟當一反而求之心高明之士翕然從之最後本孟子良知之論以合大學致知之旨以爲致知之知卽致此心自然之良所以提醒本原開悟

後學獨爲深切蓋朱學先致知而後誠意先窮理而後盡性先道問學而後尊德性而守仁以爲致知者直窮理之功窮理者直盡性之功道問學者直尊德性之功必先立其本而後用力以副之守仁天資高邁隨問而答無不響應四方及門廩至麇集聽講之後莫不暢然欣快惟其事功以用兵顯其倣儻權變不無異時任俠之氣至其卓然以聖人爲必不可師指切心體使人猛省而內證其於攻心排世比之武事亦可謂雄偉而不常萬曆初

二樓小志

南樓卷上

六

從祀孔子之廟而制書美之曰聖賢之學管葛之才節錄何氏名越按明史實錄尤侗明史擬稿山藏儒林記錢德洪所作年譜多互異故闕

祭酒鄒文莊東廓先生

鄒守益字謙之安福人父賢仕按察僉事守益年十七歲舉鄉試尋母卒治塋廬墓既舉正德辛未會試第一廷試及第第三人授翰林院編修賢遂辭官歸踰年守益亦引疾歸養四方人士皆來受學一日讀大學中庸而疑之曰子思愛學會子者大學先格致中庸何首慎獨也時王守仁都御史

贛州就問之守仁爲講合一之旨超然有悟遂肅贊爲弟子宸濠反守益聞變率羣從趨吉從義起兵守仁喜曰君臣師友在此舉矣世宗卽位出就官復入越見守仁叅証月餘旣別守仁悵望不已門人問曰夫子何念謙之之深也守仁曰曾子云以能問不能以多問寡若無若虛犯而不校謙之近之矣至京復職會大禮議起偕同官上疏不報明年再疏下詔獄謫廣德州判官復見守仁於越而後履任守益蒞官臨民一以誠心相感延王艮

二樓小志

南樓卷上

十九

諸賢講學興禮風動鄰郡久之陞南京主客郎中日與湛若水呂柟同門薛侃錢德洪王畿商究學問任滿給繇道請告歸過蘇訪魏校諸賢發知行敬義合一之旨入越哭王守仁喪存撫其孤聚同學會講還里會程文德量移爲安福令質之方田均賦邑民賴之居數年薦起爲南京考功郎中世宗將建儲吏部奉旨簡官僚以譽望召入爲司經局洗馬當事者以非已出不悅會偕霍韜上聖功圖因構之禍幾不測賴衆救免充經筵講官請從

祀薛瑄孔子廟庭其時與徐階羅洪先趙時春唐順之互相資切御史毛愷張元冲胡宗憲咸從之遊士類興起居頃之陞太常寺少卿兼侍講學士掌南院蓋當事者忌而遠之毛愷上疏乞留亦調外任尋改南國子祭酒亾何九廟災循例自陳疏中寓交倣之意讒者因中傷之竟辭官歸歸與其鄉人劉邦采劉文敏劉子和劉陽歐陽瑜劉肇袞尹一仁等建復古連山復真書院爲四鄉之會春秋二季合五稊出青原山爲大會凡鄉賢士大夫

二樓小志

南樓卷上

三

偕與遠者年聚近者月至小會八百大會人千絳帷一啓雲擁星羅或更端稟承或簪筆述記守益溫言和氣隨機轉受若無往非可教之人無感非可動之物蓋自受學以後四十年間歷壯至老無非會友明學之事真若饑食寒衣之不能已者守仁標良知爲門守益復推慎獨戒謹恐懼之旨以發明之湛若水年九十有一往遊衡山來過於吉守益率諸子及同志往迎預誠體古憲老不乞言意毋煩辯論晨夕躬定省執醬執醕一隼古養老

禮嗣冒大水連舟送至虔涕泣而別時年六十有一矣若水重加歎異王公之門得人如此年七十有二卒寢疾時召門人訓飭不異平時穆宗改元贈禮部右侍郎諡文莊子義美俱舉於鄉而善以進士仕至太常卿何氏名山藏儒林記鄉守益爲翰林院編修嘉靖初議大禮忤旨謫判廣德州往來宛陵文學貢安國戚袞周怡沈寵梅守德從之遊講學興禮風動鄰郡志學之風至今冠江左公啓之也

府志流寓傳

二樓小志

南樓卷上

三

尚書歐陽文莊南野先生

歐陽德字從一安福人弱冠舉於鄉見王守仁贛州受其學不與計偕者再嘉靖二年進士時會試策問心學其意陰闢守仁門人徐珊不答而出德與王臣魏良弼等直發師旨而亦登第出守六安進刑部員外尋改編修累官禮部尚書講其學者半天下德之學一稟守仁而必槩諸躬應變間暇如無事時或問何以能此曰吾求吾心耳心知其是雖害不顧心知其非雖利不爲此吾所受於吾

師而自致其良知者也嘗貽羅欽順書曰佛氏知覺與良知同實異凡視聽言動皆知覺也而良知則吾心之惻隱羞惡恭敬是非所謂本然之善也致知則循其惻隱羞惡恭敬是非之知而擴充以極其至所謂致曲求誠故曰致知知至則意誠矣物者事也思慮覺識視聽言動感應酬酢之能也然而有善有惡有正有邪格物者則為善而不為惡從正而不從邪隨其位分修其日履循其良知之天理而無所蔽昧虧歉者也日積月累日就

二樓小志

南樓卷上

三

月將而不能已不如是則旦晝所為梏其良心而違禽獸不遠矣此聖門篤實真切用力之地沒身後已與佛氏異者也卒贈太子太保諡文莊

何氏名山

藏儒林記

比部錢緒山先生

錢德洪字洪甫餘姚人父希明三歲失明而博古能文王守仁倡道德洪與王畿首師事之推尊發明為獨至守仁在越七年德洪自歸省外無日不侍左右嘉靖五年德洪與畿同舉進士而德洪畿

相謂曰吾斯未信引疾歸卒業於守仁士及守仁之門者守仁使德洪先引導之俟志定有入方與請見八年當殿試方北上聞守仁喪遂輟試與畿迎喪廣信制服哭之搆天真精舍當湖海之交像祀守仁收錄遺言與問荅語曰傳習錄既殿試乞教蘇學以便養遷國子監丞立省愆堂教諸生以悔吉吝凶之道遷刑部主事轉員外郎坐械繫郭勛忤旨下詔獄與楊爵趙都督白樓講學獄中勛从乃釋隆慶初薦復原職以引年進階朝列大夫

二樓小志

南樓卷上

三

德洪自少至老守其師說既早廢周遊四方號召同志所至學者迎事而受業焉

何氏名山

廷爵按錢

緒山王龍溪兩先生講學吾宛最久同配享正學書院中今攷麗邑志流寓傳載王僅寥寥數語而錢竟佚不載何耶

樞部王龍溪先生

王畿字汝中山陰人學者稱龍溪先生嘉靖間罷守羅汝芳延至與泰州王璧先後遍主講席一時士多蒸蒸嚮學焉璧字宗順心齋先生之子所稱東崖者也

府志流寓傳

王龍溪先生正德己卯舉人

嘉靖丙戌中式壬辰進士官南兵部郎中卒年八十有六初陽明之立教也多士駭而不信先生首倡以效曾氏之唯陽明之既沒也幼子孤而無託先生議婚以篤嬰杵之義其學誠爲有用矣當時詆其僞後世疑其禪何歟蹟其却一甲之選登六科之薦終不動心而以作人講學爲事世有僞焉禪焉如是哉雖矯章句闕口耳不無過激陽明曰汝中之學是接上根人法今天下上根未絕也敬錄以俟

學備攻

范氏廣理按何氏論朱子與范氏此說皆存以俟知德者越附記

南樓卷上

二

尙書耿恭簡天臺先生

耿定向字楚侗湖廣麻城人戶部尙書前南直隸提學御史嘉靖甲子登雲巖羣諸生講學三日而返題思耻臺於中立石

齊雲山志名賢傳

耿定向麻城

人嘉靖進士歷官尙書卒諡恭簡第定力俱以理學名家

黃州府志人物傳

耿恭簡定向督學南畿求真

實之士延聘加禮合十四罷得十一人郭忠信忠貞兄弟與焉試古之學者爲已論錄忠信一篇恭簡特刻以旌之

節錄寧國府志郭忠信儒林傳

臬守劉初泉先生

劉起宗字初泉巴縣人嘉靖中以南京禮部郎知寧國府負才疆敏嘗檄諸屬邑覆田數履畝丈量官民均賦姦孽疏剔躬涇縣水西精舍置田膳多士其中聘名賢鄒守益王畿錢德洪諸公講明正學一時人士蒸蒸嚮慕焉遷湖廣提學副使

府志各宦

臬守羅近溪先生

羅汝芳字惟德南城人嘉靖中以進士刑部郎出知寧國政先德化後刑威有訟者使甲攝乙到輒

二樓小志

南樓卷上

三

决立遣去富民兄弟爭產芳引咎痛諭至泣下其人兄弟悔亦相顧泣叩頭請罷訟卽爲銷牘建書院講學日引羣人教以孝悌慈士無貴賤皆容接曲誘藹藹如家人子弟學者若忘其官稱近溪夫子所過名山水幽崖邃谷必飛策窮覽大書石壁而羣中庶務修舉綽如也寧臬長吏用理學爲政事者先後莫公若其他城涇縣橋西津勞績不可勝書以艱去士民皇皇如失慈母今特祠開元寺

右府志名宦傳

羅汝芳嘉靖甲辰中式卽歸徧訪高